

Transkription von Urkunde PRE 1398a

Ort, Datierung: Prenzlau, 1398-10-05

Signatur: Brandenburgisches Landeshauptarchiv in Potsdam, 8 Prenzlau U 145 A [\[online\]](#)

Inhalt: Gerke van Melshalte: Urfehde

Ik gerke van melshalte Bekenne vnd(e) Bethuge apenbar indessem briue vor alle(n) den dar / hi
vorkumpt dat di^e sake dar vm(m)e ik angehechte kome(n) was thu prempslaw van mathias eikhorstes /
wege(n) eyne(m) borge(re) dar sulues thu prempslaw di sake is gantz vnd(e) sal {al} thu eyne(m)
gantze(n) ende be=/sūnet vnd(e) entrichtet vnd(e) schal gantz thu ewig(er) thiid vorachtet vnd(e)
besūnet {besunet} bliue(n) vnd(e) ik noch / myne frunde eder ymand van myner wege(n) scoln noch
welle(n) {wille(n)} di^e sake met arge vpthin noch / der gedenke met arge Jegen dy radman(ne) der stad
thu prempslaw noch Jegen di^e vurwerken {virwerken} / noch Jege(n) dy gemeyne(n) {gemeÿne(n)}
borge(re) noch Jegen mathias eikhorste noch Jegen ymande vt der stad / thu prempslaw nim(m)er
{nu(m)mer} mer sunder di^e sake schal thu ewig(er) thiid vorachtet vn(de) {vnd(e)} besunet bliue(n) /
vnd ik noch myne brude(re) scole(n) noch wille(n) {will(e)n} vns ny(m)mer vorgripe(n) an der stad
prempslaw noch / an di^e gemeyne(n) {gemeÿne(n)} borge(re) noch an ymande . vt der stad noch di^e
stad eder ymande dar vt beschedige / wi en moge(n) denne dat met eren dun vn(de) sy vns(er)
{vns(er)} herren krich . Allen desse vorgesc(re)ue(n) stucke / vnd artikelle loue ik gerke van melshalte
vn(de) myne frund met my vn(de) {vnd(e)} vur ? my alze syuerd / vnd rule myne brude(re) genumet
van melshalte vn(de) {vnd(e)} hans van melshalte vnse vedder hen(n)i(n)gh / van reeborge gyse
wichme(n)storp vn(de) {vnd(e)} syuerd cluttzowe vn(de) {vnd(e)} wi borge(n) vulku(n)de(n) alle(n)
vorgescruen / dink vnd loue(n) dy^e den radma(n) der gena(n)de(n) stad vnd(e) den vurwerke(n)
{virwerke(n)} vn(de) den gemeyne(n) borge(re)n / vnd alle(n) eren nakomellinge {nakomellinghe} dat
en alle(n) dink vorgesc(re)ue(n) vn(de) {vnd(e)} sūne gentzlike(n) vn(de) {vnd(e)} vnvortoge /
geholde(n) schole(n) werde(n) sunder alle hulprede vn(de) {vnd(e)} alle arch vn(de) {vnd(e)} hebbe des
thu orkunde vn(de) {vnd(e)} merer / wisheit alz ik gerke vngenūmet sakeweldige vn(de) {vnd(e)} wi
borge(n) alle vorgesc(re)ue(n) vns(er) aller ingesegel / met guden will(e)n vnd wetende an dessen briff
laten henghe(n) gegeue(n) nach godes bord / druttey(n)hundert Jar darnach indeme achte vnd(e)
negentegeste(n) Ja(r)e am su(n)nauende nach sunte / mechil(e)s daghe des hilge(n) ertzeengels